



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SA GIUNTA COMUNALI N. 7 DE SU 25/01/2023

OGETU: *ESERCÌTZIU PROVISÒRIU ANNU 2022 - APROVATZIONI DE SU PIANU ESECUTIVU DE GESTIONIS EX ART.169 DE SU D.LGS. N. 267/2000.*

S' annu 2023, su 25 de su mesi di Gennàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

<i><b>Nòmini e Sangunau</b></i>	<i><b>Càrriga</b></i>	<i><b>Presenti</b></i>
Beniamino Garau	Sìndigu	Eja
Dessi Donatella	Assessori	Eja
Frongia Pietro	Assessori	Eja
Montis Giovanni	Assessori	Eja
Sorgia Silvia	Assessori	Eja
Solinas Marco	Assessori	No
Garone Katiuscia	Assessori	Eja

**Presentis: 6**

**Ausentis: 1**

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

---

## SA GIUNTA COMUNALI

**Biu** su Statutu comunali in vigèntzia;

**Biu** su Regulamentu comunali de Contabilidadi;

**Postu chi** cun deliberatzioni de su Consillu comunali n. 66 de su 05/08/2022, esecutiva cunforma a sa lei, s' est aprovau su Documentu Ùnicu de Programatzioni (D.U.P.) po is tres annus 2022/2024;

**Bida** sa deliberatzioni de su Consillu comunali n. 67 de su 05/08/2022, esecutiva cunforma a sa lei, chi at aprovau su Bilàntziu de Previsioni 2022/2024 e àterus allegaus;

**Bida** sa deliberatzioni de su Consillu comunali n. 63 de su 05/08/2022, esecutiva cunforma a sa lei, cun ogetu: "APROVAZIONI DE SU RENDICONTU DE SA GESTIONI PO S' ESERCITZIU 2021 CUNFORMA A S' ART. 227, D.LGS. N. 267/2000.";

**Bida** sa deliberatzioni de su Consillu comunali n. 68 de su 05/08/2022, esecutiva cunforma a sa lei, cun ogetu: "VERIFICA AMPARU DE IS ECHILIBRIUS DE BILÀNTZIU – AVERIGUAMENTU STADU DE IS PROGRAMAS, ASSÈTIU GENERALI DE SU BILÀNTZIU (ART.175 C.8, ART.193, ART.147 TER D.LGS.VU 267/2000)";

**Donau atu** chi sa Giunta comunali cun deliberatzioni n. 151 de su 09/08/2022, esecutiva cunforma a sa lei, at aprovau su Pianu Esecutivu de Gestioni (P.E.G.) po is tres annus 2022/2024;

**Biu** su D.M. de su 13/12/2022 publicau in sa G.U. n. 295 de su 19-12-2022 innui s' autorizat s'esercitziu provisòriu e si trantzit a su 31/03/2023 sa scadèntzia po sa deliberatzioni de su bilàntziu de previsioni 2023/2025 de is entis localis;

**Biu** su puntu 775 de s' art. 1 de sa L. 29 de idas 2022, n. 197 (Lei de bilàntziu 2023) chi previdit sa scadèntzia de s' aprovatzioni de su bilàntziu de previsioni po su 2023 a su 30 de abrili 2023".

**Liau a cunsideru** s' art. 163 de su D.Lgs. 267/2000: "*1. Chi su Consillu no aprovat su bilàntziu de previsioni in cabu de 31 de su mesi de idas de s' annu ainnantis, sa gestioni finantzària de s' enti si cumprit arrespetendi is printzipius aplicaus de sa contabilidadi finantzària pertocantis s' esercitziu provisòriu o sa gestioni provisòria etotu. In s' interis de s' esercitziu provisòriu o de sa gestioni provisòria, is entis manixant is stantziamentus de cumpetèntzia previdius in s' ùrtimu bilàntziu aprovau po s' exercitziu de riferimentu po sa gestioni o s' exercitziu provisòriu, e faint is pagamentus in cabu de is tèrminis determinaus de sa suma de is resuzus a su 31 de su mesi de idas de s'annu ainnantis e de is stantziamentus de cumpetèntzia cunforma a su fundu pluriennali vinculau.(...) 3. S' exercitziu provisòriu est autorizau cun lei o cun decretu de su Ministru de s' internu chi, cunforma a su chi previdit s' art. 151, coma primu, trantzit su tèrmini de aprovatzioni de su bilàntziu, cuncordendi-ddu paris cun su Ministru de s' economia e de is finàntzias, ascurtada sa Cunferèntzia Stadu-tzitadi e autonomia locali, candu ddoi funt esigèntzias motivadas. In s' interis de s' exercitziu provisòriu no est permittiu su recursu a s' indepidamentu e is entis podint impinnai sceti gastus currentis, is gastus pertocantis is partidas de giru, traballus pùblicus de urgèntzia o àterus interventus de urgèntzia manna. In su mentras de s' exercitziu provisòriu est permittia s' anticipatzioni de tesoreria cunforma a s'art. 222.5. In s' interis de s' exercitziu*

---

*provisòriu, is entis podint impinnai cada mesi, paris cun sa cuota sena impreu de is “doditzèsimus” (partis de doxi) impreada in is mesis antetzedentis, po cada programa, is gastus de su cali a su puntu 3, po sumas no superioris a una parti de doxi de is stantziamentus de su segundu esercìtziu de su bilàntziu de previsionis deliberau s’ annu ainnantis, boghendi-nci is sumas giai impinnadas in is esercìtzius antetzedentis e de sa suma acantonada a su fundu pluriennali vinculau, francu is gastus:*

- 1. a) normaus a òbligu de sa lei;*
- 2. b) no sugetus de pagamentu partziu in partis de doxi;*
- 3. c) chi serbint po nc’assegurai su livellu de calidadi e de cantidadi de is servìtzius, impinnaus apustis de sa scadèntzia de is cuntratus chi ddis pertocant.*

*7. In s’interis de s’ esercìtziu provisòriu, funt permissas is variatzionis de bilàntziu previdias de s’ art. 187, puntu 3- quinquies, is chi pertocant is variatzionis de su fundu pluriennali vinculau, is chi serbint po torrai a assentai is exercìtzius innui funt esigibilis, de obligatzionis pertocantis intradas vinculadas giai pigadas, e de is gastus currelaus, candu su gastu est ogetu de imputatzioni noa finas s’ aggiornamentu eventuali de is gastus giai impinnaus”;*

**Biu** finas su D.Lgs. 118/2011;

**Arremonau** su puntu 8 de su Printzìpiu contàbili aplicau a sa contabilidadi finantziària, all. 4/2 a su D. Lgs. n. 118/2011, pertocanti s’ exercìtziu provisòriu e sa gestioni provisòria, cunforma a sa cali in s’ interis de s’ exercìtziu provisòriu:

- is entis manixant is stantziamentus de gastu previdius in s’ ùrtimu bilàntziu aprovau a manera definitiva po s’ exercìtziu a su cali est riferida sa gestioni. Duncas po s’ exercìtziu provisòriu 2023 tenint importu mannu is previsionis de su segundu exercìtziu de su PEG de s’ annu ainnantis e no òperant is previsionis de càscia;
- in s’ interis de s’ exercìtziu provisòriu, si podint impinnai sceti is gastus currentis e is gastus currelaus eventualis, pertocantis is partidas de giru, francu is chi funt riferius a is traballus pùblicos de urgèntzia o àterus interventus de urgèntzia manna, candu si permitit sa possibilidadi de mudai su bilàntziu gestiu in exercìtziu provisòriu, cunforma a is modalidadis previdias de sa disciplina de su setori.
- in su mentras de s’ exercìtziu provisòriu, no est permissu s’ indepidamentu e is entis podint impinnai dònna mesi, po cada programa, paris cun sa cuota de is doditzesimus (partis de doxi) no impreada in is mesis pretzedentis, gastus currentis no superioris a una parti de doxi de is sumas previdias in su segundu exercìtziu de s’ ùrtimu bilàntziu de previsionis deliberau, boghendi-nci is sumas giai impinnadas in is exercìtzius antetzedentis e de sa suma acantonada a su fundu pluriennali (sa boxi “de su cali fundu pluriennali vinculau”), sena de is gastus arregulaus a òbligu de sa lei, no sugetus de pagamentu partziu in partis de doxi, chi serbint po nc’ assuregai su livellu de calidadi e de cantidadi de is servìtzius, impinnaus apustis de sa scadèntzia de is cuntratus chi ddis pertocant.

**Cunsiderau** s’art. 107 de su D.Lgs. 267/2000 e s’ art. 4 de su D.Lgs. 165/2001, chi, ponendi in aplicu su printzìpiu de sa partzidura intre indiritzu e cumpudu a una parti e cumpridura e gestioni a s’ àtera, previdint:

- is òrganus de governu tenint funtzioni de indiritzu polìticu-aministrativu, est a nai sa definitzioni de is obietivus e de is programas, nc’ adotant is atus e verificant is arresurtaus de s’ atividadi aministrativa e de sa gestioni de is indiritzus;
  - a is Responsàbilis de Àrea spetat s’ aplicu de is obietivus e de is programas definius cun is atus de indiritzu. A issus est atribuida s’ atividadi aministrativa, sa gestioni e is obietivus de s’ enti;
-

**Bida** sa deliberatzioni de sa Giunta comunali n. 274 de su 21/12/2022 cun ogetu “MODÌFICA ART. 6 E 10 E ALLEGAU C) DE SU REGULAMENTU PO SA VALUTAZIONI DE SA *PERFORMANCE* E SA DISCIPLINA DE IS POSITZIONIS ORGANIZATIVAS” cun su cali s’ amministratzioni at mudau su sètiu organizativu de is setoris 1,2,3 e 11;

**Bius** is decretus sindacalis de nòmina de is incàrrigus de positzioni organizativa;

**Arremonau** su printzìpiu contàbili aplicau de sa programatzioni, All. 4/1 a su D.Lgs. 118/2011, segundu a su cali in su PEG is resursas finantziàrias depint essi destinadas a obietivus spetzìficus;

**Torrada sceda** de assinnai is resursas a is Responsàbilis de Setori po assegurai sa sigidura de s’ atividadi de s’ Enti, in s’ interis de s’ aprovatzioni de su Bilàntziu de Previsioni 2023/2025 e de s’ aprovatzioni de su Pianu Esecutivu de Gestioni;

**Torrada sceda** de assinnai is obietivus nous po s’ esercìtziu 2023 cun s’ aprovatzioni de su PIAO, cunforma a sa normativa in vigèntzia;

**Biu** su Pianu Esecutivu provisòriu de Gestioni po s’ esercìtziu 2023, chi si ponit in allegau a custu provedimentu etotu;

**Arriciu** parri a favori de regularidadi tècnica cunforma a s’ art. 49, puntu 1, de su D.Lgs. n. 267/2000 de parti de su Segretàriu Comunali;

**Arriciu** parri a favori de regularidadi contàbili cunforma a s’ art. 49, puntu 1, de su D.Lgs. n. 267/2000 de parti de ss Responsàbilis de su Setori Finantziàriu Sa Dotora Cambiganu;

Cun votatzioni a totòmini,

## DELÌBERA

**De aprovai**, in s’ interis de s’ adotzioni de su bilàntziu de previsioni 2023/2025, su Pianu Esecutivu provisòriu de Gestioni 2023, in allegau a custu provedimentu etotu, aprontau sikhendi is previsionis definitivas de s’ annu 2022 de su bilàntziu de previsioni 2022/2024, pruschetotu fadendi riferimentu a is previsionis de s’ esercìtziu 2023;

**De assinnai** a is Responsàbilis de setori is resursas indicadas in su PEG;

**De stabiliri** chi fintzas a s’ aprovatzioni de su PEG nou si cunfirmant is obietivus ordinàrius de gestioni, aici puru is obietivus pluriennalis giai assinnaus;

**De trasmiti** custu provedimentu a is Responsàbilis de Setori;

**De donai atu** chi cun votatzioni a parti si decrarat in vigèntzia custa deliberatzioni, cunforma a s’art. 134, puntu 4, de su D.Lgs. 18 de austu 2000, n. 267.

---